

ЛЕНИН ТУЙ ВЫЛЭТ

(По ленинскому пути)

ВКП(б)
Окружкомлэн,
ВКП(б)
Кудымкарскэй
Райкомлэн да
Окрисполкомлэн
орган

Ыджытжык вниманнё сельскохозяйственнэй строительстволэ

Большевикскэй партия да советскэй правительство воля сьэрти социалистическэй деревнян керэмэсь пода вэдитан колхозно-товарнэй фермаез. Социалистическэй животноводство развивайтэм понда керсьэны быдэс условияез. Токо этік колхознэй животноводстволэн строительство понда Сельхозбанкэн миян округись колхозз'езлэ ета годэ вэлі л'едзэм кредит 180 тысяч руб вылэ. Округ пасьта быдэс сельскохозяйственнэй строительстволэ понда кредитт'езыс вэлісэ л'едзэмэсь 606 тысяч руб вылэ.

Сельскохозяйственнэй строительство—колхозз'езсэ организационно-хозяйственнэй укрепляйтэмын являйтчэ важнейшэй условиян, ибо помещеннэ-езсянь уна зависитэ подальсэ поголовье сохранитэм да сылісь продуктивность л'эбтэм. Народлэн враггез, троцкистско-бухаринскэй агентт'ез, кэдна пырлісэ миян округись земельнэй системаэ, не йтша навредитисэ ета отрасльын. Нийэ кредитт'езсэ, кэдна государствоыс л'едзэ годісь годэ, эзэ используйте, уна пондэтчэм строительнэй об'ектт'ез законсервируйтэмэсь. Му кэд скотнэй дворрез, свиарниккез да конюшняез пондэтчисэ строитчыны ешэ 1932—33 годд'езэ и энэдэ не готовась. Колэ висьтавны, што кэть и основнэй вредительскэй шпионскэй позз,езыс ликвидируйтэмэсь, сё ешэ строительстволэ чувствуйтэсьны ния ударрезыс, кэдня вэлісэ керэмэсь вредителлэзэн. Земельнэй системалэн руководстволэ миян округын сё ешэ страдайтэ важся порочнэй стильэн. Ед не весь-жэ быдэс сельскохозяйственнэй строительстволэ л'едзэм самотек вылэ. Мыля-кэ Окразолэн ета вопросын ешэ оз тыдав перестройкаыс, оз тыдалэ сылэн руководящэй да организаторскэй пондэтчэм-мезыс ета делолы.

План сьэрти, округын долженэсь строитчыны дворрез 442, фактичeskэя стрoитэмась токо 55 — 12,4 процент. 206 об'ект строитчэны 2—3 годэны, кэдналэн готовностыс составляйтэ токо 45 процент. Ешэ совершенно абу пондэтэм строительство 117 об'ектлэн. Сельхозбанкэн л'едзэм кредитт'ез колхозз'езэн используйтемэсь токо 17,8 процент вылэ.

Совершенно умэля муна

ветеринарнэй строительстволэ. 10 об'ектисэ кэдня пондэтчисэ керсьэны ветеринарнэй учрежденнэез понда, ешэ этік абу кончитэм. Юсьвинскэй ветлечебницаын энэдз абу пондэтчэм капитальнэй ремонт. Антипинскэй ветлечебницалэн строительство керэм токо 30 процент вылэ, 40 процент вылэ Косинскэй ветлечебницаын. Сідз-жэ совершенно неудовлетворительнэй муна строительстволэ карч вэдитэмын да мэдикотрасллезын. Озэ используйте кредитт'ез землеустройстволэ, торф шедтан уджын да сідз олз. Быдэс сельскохозяйственнэй кредитт'езыс используйтемэсь токо 34,8 процент мымда.

Жиротноводчeskэй постройкаез умэль состояннэ-сянь горсоветисэ „Сталин“ нима колхозын, мэдэдз бригадаын (бригадир Нечаев) пондэтчисэ кувны куканез, вэвез ета бригадаын оланы двортэг. Первэй бригадаын порсез таво тэвйисэ тэсовэй сарайын, тэнась быдэс порсьянян'ез кулісэ. Таво тэв жежэ бэражэ эзэ лэсэйтчэ совсем. Горсоветисэ-жэ „Ворошилов“ нима колхозын (колхозисэ председатель Климов) скотнэй двор строитэны-ни кык год и удж оз муна одзлань немымда. Етадз строительстволэ муна самэй городын. С'етшэм фактт'езыс не йтшаась.

Ета лолэ сійэн, што райкоммезисэ секретаррез, райисполкоммезисэ председателлэз, земельнэй органн'езисэ руководителлэз янсэтчисэ ета важнейшэй уджсянь, эз сувтэтэ контроль да оз требуйтэ колхозз'езсянь, медбы ния выполняйтисэ производственнэй мероприятияезсэ, кэдня наметитэмэсь 1938 год жежэ. Сельхозстроительстволэ окрзосянь абу оперативнэй руководство.

Партийнэй да советскэй организацияез, земельнэй органн'езисэ работниккез этік минута жежэ не долженэсь вуэятны, што сельскохозяйственнэй строительстволэ план тыртэм—эта являйтчэ могучэй орудиеэн животноводство развивайтан государственнэй план тыртэм понда, миян странаын йй, йэв да мэдикотрасллез изобилие понда пессьэмын, социалистическэй животноводстволэн расцвет понда пессьэмын, миян родиналэн могущество понда пессьэмын.

Сельскохозяйственнэй строительство развертывайтэмын колэ керны решительнэй перелом.

Небэ ВКП(б) историялісь виль учебник

Кудымкарскэй книжнэй магазин талуння лунсянь пондас вузавны ВКП(б) истoриялісь Краткэй курс учебник, кэдия одобритэм ВКП(б) ЦК-эн. Кыдз и быдсэн страна пасьта, миян городисэ населеннэ сідз-жэ ыджыт желаннээн да нетерпеннээн видэчисисэ етэ замечательнэй документсэ—учебниксэ.

Вузалэм пондас производитчыны индивидуальнэй порядокын, кэдия сетас возможность удовлетворитны спрос учебник вылэ коммунистт'езлісь, комсомолецезлісь да беспартийнэйезлісь.

Партийнэй да комсомольскэй политкружоккез долженэсь заботитчыны, медбы ВКП(б) история сьэрти быд кружок вэлі обеспечитэм етэн учебникнас.

Учебниклэн цена 3 руб.

А. Л. Гусев



К ТРУДУ И ОБОРОНЕ ГОТОВЫ!

Художник В. Климашин уджлэн плакат, кэда л'едзэм „Искусство“ издательстволэн, (Прессклише)

Хабаровскэй горнизон часттезисэ боецезлэн, летчиккезлэн, техниккезлэн, командиррезлэн, политработниккезлэн ёрт СТАЛИНЛЭ приветствие

Москва, Кремль

Ёрт Сталинлэ

Мийэ, Хабаровскэй горнизон часаттезисэ боецез, летчиккез, техниккез, командиррез, политработниккез да ны семьяезлэнчленн'ез, эксим митинг вылэ „Родина“ самолетлэн экипажкэт— Валентина Гризодубовакэт, Полина Осипенкокэт да Марина Расковакэт пантасьэм понда, инь да м тиянлэ, ёрт Сталин, быдэнэн пыма любимэй вождьлэ, друглэ да учительлэ, пламеннэй красноармейскэй, большевикскэй привет!

Дона ёрт Сталин! Талун миян, боецезлэн, летчиккезлэн, техниккезлэн, командиррезлэн, политработниккезлэн, ны семьяезчленн'езлэн, эддэныджыт радость. Миян сьэлэммез тырэмэсь торжествоэн да ликованнээн. Нийэ панта-

лікэ, кин беспримернэй героическэй перелэтэн ешэ этпыр умножитис миян социалистическэй родинались слава да могущество, мийэ юкаламэ тиянкэт асиным радостьэ.

Сталинскэй питомецезлэн героизм, отвага, бесстрашие, безграничнэй любовь да преданность миян великэй социалистическэй родиналэ вызывайтэны Советскэй Союзисэ быдэс уджаліссезсянь законнэй гордость да восхищеннэ. Нийэ в о с п и т а й т і с Ленинлэн—Сталинлэн великэй партия. Народ, кэда имейтэ с'етшэм вернэй зонн'езэс да ныввезэс непобедимэй.

Тиянлэ, миян роднэй ай, велэтисэ да друг, обязанэсь мийэ, радостнэй да счастливэй оланэн. Завер-

ятам тиянэс, дона ёрт Сталин, што мийэ, боецез, летчиккез, командиррез, политработниккез, техниккез, воодушевленэйэсь миян отважнэй летчицаезлэн—Сталинскэй соколл'езлэн—Валентина Гризодубовалэн, Полина Осипенколэн, да Марина Расковалэн героическэй перелэтэн, ешэ ыджытжык энтузиазмэн пондам пессьэны отличнэй боевэй да политическэй подготовка понда и пыр готовэсь сетны сокрушительнэй удар фашистскэй война эзтисезлэ.

Да оласэ советскэй авиациялэн гордэй соколл'ез!

Да олас Ленинлэн—Сталинлэн великэй партия!

Да олас Великэй Сталин!

СССР пасьта

Очерскэй районисэ „Блюхер“ нима колхоз, сетис государственволэ 30 центнер клевер кэдзыс. Государственнэй план клевер сьэрти тыртэм 556 процент вылэ. Клеверсянь доход составитэ 31556 руб. Клеверлэн семеннэй фонд пуктэм отборнэй кэдзысэн.

Киностудия „Мосфильм“

пондэтчис керны съемкаез звуковэй „Великий счет“ фильм понда, кэдия посвятитэм предстоящэй всесоюзнэй населеннэ переписьлэ.

Фильм ознакомитас населеннэсэ перепись йылісь задачаезэн да мыччаласы чулэтэм порядоккез йылісь.

Фильмэ музыка гижас

СССР-лэн народнэй артист Л. П. Штейнберг.

Новосибирск. Эжмыс месяцэн Горнэй Шоршиисэ единаличниккез колхозз'езэ пырисэ 700 хозяйство. Пантелеевка посе л о к ы н неважын организуйтчисэ виль колхоз.

Великэй Октябрьскэй социалистическэй революциялис 21 годовщина панталам виль победаезэн

Сибалэ быдэс уджалис йэзлэн ыджыт праздник — Великэй Октябрьскэй социалистическэй революциялэн 21 годовщина.

Эта величайшэй праздник дынэ быд уджалис, быд колхозник старайтча локны виль победаезэн, виль достиженнэезэн. Миян „Труженик“ нима колхозис колхозниккез Юсвинскэй районис „Краснэй звезда“ колхозис колхозниккезлэн обращеннэ вилэ отвечайтэны предоктябрьскэй социалистическэй соревнованнэ паськэтэмэн. Сельскохозяйственнэй год успешная завершайтэмын да государственнэй обязательствозе тыртэмын — Великэй Октябрьскэй социалистическэй революциялэн 21 годовщина лун кежэ вештыны государственстволэ быдэс заготовкаез да денежнэй налоггез. Кончитны строитны прудлис плотина (эта прудын колхоз развивайтэ

чери вэдитан хозяйство).

Строительство понда бригадир Попов Иван Петрович асла бригадаэч ноябрь 6 лун кежэ обяжитчис кончитны строитны мессез понда карта да соцсоревнованнэ корис мэдик бригадаис бригадирас — поле водэс Климов Константин Петровичэс, кэда асла бригадаэч сяс-жэ кад кежэ должен кончайтны вартны сю да тыртны няньпоставка план. Эни миян колхозниккез ыджыт энтузиазмэн да радостын кутчисэ тыртны босьтэм обязательствозе.

Медбур ударниккезлэ, кэдна честээн тыртас асыланыс босьтэм обязательствозе, ноябрь 6 лунэ, рытнас торжественнэй заседаннэ вылын, сеталам премияез, кэда понда колхоз выделитис деньга 390 руб.

„Труженик“ колхозис председател, РСФСР Верховнэй Советлэн депутат
Я. С. попов

Рабоче-Крестьянскэй Краснэй Армияис да НКВД войскаезис команднэй, начальствующэй составзс да красноармеецезэс СССР ордениезэн наградитэм

Правительстволис специальнэй заданнэез Советскэй Союзлис обороннэй мощь укрепляйтэмын образцовэя выполнитэм понда да выдающэйся успехез да достиженнэез понда боевэй, полигическэй да техническэй подготовкын соединеннэезын, подразделеннэезын да Рабоче-Крестьянскэй Краснэй Армияис часттезын и НКВД войскаезын СССР Верховнэй Совет Президиумлэн указэн наградитэм командиррезлэн, политработниккезлэн, инженеррезлэн, техниккезлэн да красноармеецезлэн ыджыт группа.

Ленин ордениэн наградитэмэс 9 морт: государственнэй безопасностис капитан **Белкин** Михаил Ильич, государственнэй безопасностис капитан **Гаевский** Станислав Ипполитович, лейтенант **Емельянов** Владимир Васильевич, старшэй лейтенант **Калинин-Галдин** Владимир Федорович, мэдэдэ рангис воентехник **Меньшов** Александр Николаевич, комбриг **Норейко** Николай Казимирович, капитан **Филлипов** Виктор Павлович, капитан **Чупров** Илья Михайлович, **Шевченко** Тимофей Иванович.

Краснэй знамя ордениэн наградитэмэс 44 морт, сяс

числоын: красноармеец **Абишев** Айтказы, лейтенант **Аккуратов** Павел Николаевич, красноармеец **Алижанов** Камалбек, младшэй командир **Афонин** Иван Степанович, лейтенант **Бабушкин** Яков Данилович да мэдиккез.

Краснэй Звезда ордениэн наградитэмэс 72 морт, сяс числоын: капитан **Адианов** Николай Михайлович, красноармеец **Ампологов** Иван Сергеевич, майор **Асейчев** Анатолй Алексеевич, старшэй лейтенант **Афанасьев** Сергей Николаевич, государственнэй безопасностис сержант **Белюнов** Петр Павлович да мэдиккез.

„Отвага понда“ медальэн наградитэмэс 62 морт, сяс числоын: лейтенант **Абрамкин** Василий Иванович, старшэй лейтенант **Алексеев** Федор Алексеевич, государственнэй безопасностис лейтенант **Алмаев** Бари Усманович, политрук **Баймульдин** Абилхаир да мэдиккез.

„Боевэй заслугаез понда“ медальэн наградитэмэс 168 морт, сяс числоын: младшэй командир **Абдрахманов** Абдурасул, красноармеец **Абдуллин** Садрип, красноармеец **Альферов** Федор Леонтьевич да мэдиккез.

Комсомолецезлэн этік отчетно-выборнэй собраннэ йылис

Октябрь 20 лунэ роч шэрет школаис первичнэй комсомольскэй организациын чулалис отчетно-выборнэй собраннэ.

Комсомольскэй организациалэн удж йылис отчет керис комсорг ёрт Баранов Ф. И. Отчет кыссис кык час мымда. Сыбарын комсомолецез сеталисэ уна вопросез, кэдна отсалисэ ешэ буржыка тэдны комсомолецезлэн удж йылис.

Пренияезын баитисэ, што комсомолецез ыджыт удж керисэ комсомольскэй организациа быдмэмын (вэлисэ 5 комсомолец, а эни 19). Комсомолецез отсалисэ бурсытны пионерскэй организациаис удж. РСФСР да СССР Верховнэй Советезэ бэрийэм дырни нуэтисэ культурно-массовэй удж бэрийссез коласын.

Комсомольскэй собраннэ этлаын етакэт сідз-жэ оттитис, што комсомольскэй организациа уджалис ешэ

недостаточнэя, вэлисэ уна недостатоккез да дисциплина нарушайтэм. Мукэд комсомолецез имейтисэ умэль отметкаез да прогнуллэз, а етия велэтчэмын ыджыт недостаток. Комсомолец-велэтчисэ должен велэтчыны токо хорошо да отличнэ вылэ и нуэтны общественнэй удж, кэда сылэ поручайтэ комсомол.

Комсомолецез быданыс томэс, умэля разбйрайтчэны политическэй вопросезын, а комсорг Баранов эта вылэ йетпа уделяйтисэ вниманнэ. Физкультурнэй да хоровай кружоккез езэ вэлэ. Культурно-массовэй да культурно-разяснительнэй удж велэтчиссез коласын вэли сувтэтэм умэля. Уна вэлисэ недостатоккез, но комсомолецез пренияезын выступайтисэ йетпа, умэля вэли сувтэтэм критика да самокритика. Комсомолецез езэ чувствуйтэ асынысэ хозяйинезэн комсо-

мольскэй собраннэ вылын. Комсомольскэй собраннэ мунис вэляэ, а етасын октябрь 20 лунэ кончитны езэ вермэ, а вуджэтисэ октябрь 21 лун кежэ.

Октябрь 21 лунэ комсомолецез решайтисэ основнэй вопрос, етэ комсомольскэй комитетэ бэрийэм йылис. Эта вопросын вэли нарушитэм ВЛКСМ ЦК-лэн инструкция сийэн, што кэр токо бэрийсэ счэйтнэй комиссия собраннээн пондис руководитны не президиум, а счэйтнэй комиссия, президиум мунис пызан дынис.

Инструкция разяснитэм бэрын том комсомолецез Радостева, Кузнецова да мэдиккез ыджыт радостын да энтузиазмэн медпервэй да асланыс оланын тайнэя голосуйтисэ медбур комсомолецез понда Панишева, Питкина, Дюк, Бажикова да Баранов понда, кэднэй ния бэрийсэ комсомольскэй комитетэ.

А. Шаламов

Рубеж сайын

Палестинаын волненнэез

Лондон. Рейтер агентство сообщеннэ сьэрти, Палестинаис верхонэй комиссар колонияезэн английскэй министерстволэ сетис сведеннэез, што Иерусалимын лоес чрезвычайно серьезнэй положеннэ. Октябрь 17 лунэ английскэй войскаез Иерусалим город гэгэр босьтисэ стратегическэй важнэй пунктез да нуэтэны непрерывнэй лыйсэм арабскэй по-

встанецезкэт, кэдня находитчэны важ город пытшкын.

Бритиш Юнайтед Пресс агентстволэн иерусалимскэй корреспондент сообщеннэ сьэрти, октябрь 19 лунэ асывнас английскэй войскаез пырисэ важ Иерусалим городэ цельэн, очиститны сийэ восставшэй араббесис. Иерусалимын осаднэй положеннэ распространитэм сідз-жэ и виль

город вылэ. „Ньюс кроикл“ газетлэн корреспондент кыввез сьэрти, 27 тысяч олисэ важ городис 36 часэн безвыходнэя находитчэны заключеннэй положеннэ вылын асланыс керкуезын.

Мукэд олисезлэ ковсэя переноситны лишеннэез, сідз кыз ния оз имейтэ продуктез да ва. Мукэд давнэййез сьэрти, важ городын насчитывайтэ 4 тысяча мымда повстанецез.

Военнэй действияез Китайын Южнэй Китайын

Вэйчжоу — Цзэнчэн шоссе вылын (северо-западнэй жык Вэйчжоусянь) Цзэнчэн районын мунэны серьезнэй боййез. Цзэнчэнянь рытланьынжык китаецез керэны оборонительнэй укрепленнэез. Эта районэ Кантонисэ локтэны китайскэй войскаезлэн виль часттез.

Кантон да Шилун коласын (Шилун-Кантон сян асывжык) кэртвэй туй линия вылын пассажирскэй поезддэзлэн ветлэм прекратитэм. Эта туйэт мунэ войскаез да военнэй грузез усиленнэй перевозка.

Кызд сообщайтэ „Шанхай ивнинг пост“ газета, Вэйчжоу — лунлань линия вылын (Лунмыньыс ойланьынжык Вэйчжоуся) японецез мунэны Лунмынлань цельэн, медбы наступайтны сы бэрын Цунхуа вылэ (Кантонсянь северо-восточнэй жык).

Мэдик фронттэзисэ сведеннэез абуэсэ.

Чехословакияын компартиялисэ центральнойнэй орган пэдналэм

ЦК помещеннэем обыск. Прага. Внутреннэй делолэн министерство распорядженнэ сьэрти Чехословакияис коммунистическэй партиалэн центральнойнэй орган „Руде право“ да газетаезлэн „Гало новины“ да

Вельт ам морген“ петэм прекратитэм. Компартиялэн Центральнойнэй Комитетлэн да коммунистическэй газетаезлэн редакция помещеннэез занятэс полицияэн. ЦК помещеннэем мунэ обыск.

Японецез бомбардируйтисэ американскэй миссияез

Нью-Йорк Ассошиэйтед Пресс агентствоис ханькоусскэй корреспондент сообщайтэ, што октябрь 13 лунэ японскэй самолетез кыкисэ бомбардируйтисэ Цзяошанэын американскэй миссиясэ (Ханькоусянь 300 километр сайын).

Октябрь 14 лунэ японецез бомбардируйтисэ мэдик американскэй миссия Сюичанаян, ойланьынжык Ханькоусянь. Емэс уна вийяммес. Кыкнан миссия вевдэрын вэлисэ эшэтэмас американскэй флаггез.

Врид. Отв. редактора **Е. Ф. Мехоношин**

В Егвинском колхозе Кудымкарского района на- ходятся 3 пришлые лошади: 1. мерин, масти вороной, на лбу лысина, задние ноги выше щеток белые. 2. Мерин, масти тем-

но серой, на лбу звезда, правое ухо порото. 3. Кобылица масти карая, правое ухо вилкой.

За справками обращаться в правление Егвинского колхоза.